



KEMENTERIAN SUMBER ASLI, ALAM SEKITAR
DAN PERUBAHAN IKLIM

SIARAN MEDIA

LAWATAN KERJA YB MENTERI NRECC KE DENAI SUNGAI PENCHALA, PETALING JAYA, SELANGOR

Menteri Sumber Asli, Alam Sekitar dan Perubahan Iklim (NRECC), YB Nik Nazmi Nik Ahmad telah mengadakan lawatan kerja ke Denai Sungai Kebangsaan (DSK) Sungai Penchala, Petaling Jaya, Selangor hari ini.

DSK Sungai Penchala sepanjang 700m ini dibina sepanjang Sungai Penchala melibatkan kos sebanyak RM400 ribu dan telah siap sepenuhnya pada Disember 2022. Skop pembinaan melibatkan pembinaan *walkway*, struktur pengukuhan tebing sungai dan *handrail*.

Dengan adanya DSK Sungai Penchala ini, penduduk sekitar terutamanya dari Seksyen 14 dan 19, Petaling Jaya, Selangor boleh melakukan aktiviti riadah seperti aktiviti bersiar-siar bersama keluarga, *jogging* dan dalam masa yang sama dapat memantau aktiviti di persekitaran sungai. Pelaksanaan DSK juga akan menggalakkan aktiviti seperti berkelah, memancing dan berbasikal dalam kalangan komuniti setempat.

Kehadiran orang ramai di kawasan tersebut juga dapat menghalang pihak-pihak tidak bertanggungjawab menjadikan sungai sebagai tempat pembuangan sampah. Selain itu, DSK juga berpotensi untuk menyumbang kepada aktiviti eko-pelancongan setempat.

NRECC menasahkan pembinaan DSK sepanjang 1,000 kilometer menjelang tahun 2023 sebagai tindakan pencegahan pencemaran melalui pendekatan kawalan punca penyelesaian berasaskan alam semula jadi (*nature-based solution*).

Bagi memastikan sasaran ini, NRECC dengan kerjasama kerajaan negeri akan mengenal pasti kawasan-kawasan rizab sungai untuk dibangunkan sebagai kawasan rekreasi melalui pembinaan denai dan aktiviti pengindahan sungai.

**KEMENTERIAN SUMBER ASLI, ALAM SEKITAR DAN PERUBAHAN IKLIM
(NRECC)**

30 MEI 2023

